

Kestionariu di Ekuidadi na Saudi di Kumunidade 2023

Perguntas

Rispondedoris di Kestionariu

- **Es kestonariu li e kuze?**
 - Kestionariu di Ekuidadi di Saudi na Kumunidade e un kestonariu anonimu online. Rizultadus ta ben djuda Dipartamentu di Saudi Publiku di Massachusetts i kumunidades na stadu muda kondisons ki es ta atxa na buska.
 - Kestionariu fazedu en kolaborason ku menbrus di kumunidade i parserus na stadu. Purguntas di kestonariu e baziadu na speriensias i nisisidadis di moradoris di Massachusetts.
 - Es kestonariu ta purgunta kuzas ki ta inpakta bu saudi. Asuntus di kestonariu ta inklui asesu a kuidadu di saudi i transporti, saudi fiziku i mental i ben star, speriensias ku COVID-19, abitason, idukason, i trabadju. E ta pidi tanbe informason sima idadi, jeneru, i rasa.
- **Modi ki prenxi es kestonariu ta ben benefisia nha kumunidade?**
 - **Prenxi kestonariu ta djuda garanti ma nisisidadis i prioridadis di bu kumunidade ta parsi na dadus.** Bus rispostas a es kestonariu ta ben mostra ki kuzas ki ta djuda kumunidades manti saudavel, i ki kuzas ta difikulta kumunidades di sta saudavel.
 - Dipartamentu di Saudi Publiku di Massachusetts ta ben dadus di kestonariu pa guia nos trabadju. Keli ta inklui midjora nos prugrams, toma disizons sobri finansiamentu i rikursus, i pulitikas di supporti pa midjora dizigualdades na saudi. Nu ta ben partilha rizultadus di kestonariu ku parserus na Massachusetts pa suporta trabadju inportanti ki es sa ta fazi pa midjora saudi na ses kumunidades.
- **Kenha di podi respondi kestonariu?**
 - Kualker algen ki ten mas di 14 anu i ki ta mora na Massachusetts pa un parti o anu interu podi respondi es kestonariu
- **Ki linguas ki n podi prenxi kestonariu ku el?**
 - Bu podi prenxi kestonariu na es linguas li: Arabi, Kriolu Kabuverdianu, Xines (sinplifikadu i tradisional), Ingles, Kriolu Haitianu, Khmer, Portugues, Russu, Spanhol, Vietnames. Kestionariu ta ben sta disponivel na American Sign Language mas tardi na es veron.
 - Si bu kre, otu algen podi traduzi purguntas pa bu lingua di prifirensia i prenxi kestonariu pa bo.
- **Modi ki n podi prenxi kestonariu?**
 - Kestionariu ta ben sta disponivel online [li](#) na 31 di Juliu, 2023 i ta ben fitxa na Outubru

- **Kuze ki n podi spera oras ki n prenxi kestionariu?**
 - Dupos di klika link, bu ta ben konsigui skodji lingua ki bu kre prenxi kestionariu ku el. Kestionariu podi dura entri 15-30 minotu.
 - Bu ta ben odja purguntas sobri asuntus sima asesu pa kuidadu di saudi i transporti, saudi fiziku i mental i ben star, speriensias ku COVID-19, abitason, idukason, i trabadju.
 - Kestionariu ta pidi information sobri bo sima idadi, rasa, i jeneru. Keli ta djudanu intendi modi ki nisisidadis i speriensias e diferenti entri grupu.
 - Bu podi sai di kestionariu kualker mumentu i salta kualker purgunta ki bu kre.
- **Es kestionariu e anonimu?**
 - Kestionariu e konpletamenti voluntariu i anonimu. Kestionariu ka ta pidi ninhun informason ki podi uzadu pa identifikau, i bus rispostas ka ta podi konektadu ku bo di ninhun manera..
- **Kenha ki ten asesu a nhas rispostas?**
 - Alguns pesoas ki ta trabadja na Dipartamentu di Saudi Publiku ta ben ten asesu a rispostas anonimu di kestionariu. Dupos ki kestionariu fitxa, rizultadus ta ben partilhadu ku parserus di kumunidade pa ki es podi uza informason pa intendi undi i modi ki es podi oferesi rikursus midjor pa midjora saudi
 - Dadus rizumidu ta ben sta disponivel pa tudu algen na nos site atraves di tabela di dadus, aprizentasons rijistadu, i un dashboard di dadus. Privasidade di risponentis di kestionariu e inportanti pa nos, i bus rispostas ka podi konektadu ku bo di ninhun manera.
- **N teni mas purguntas. Kenha ki N podi kontakta?**
 - Si bu ten mas purguntas sobri kestionariu, o bu mesti ajuda pa prenxi kestionariu, manda email pa chei@mass.gov.

Parserus di Kumunidade

- **Kuze ki e Kumunidade di Foku?**
 - Di manera sinplis, kumunidade di foku e grupus ki storikamenti negadu i atualmenti sa ta negadu un xansi igual na saudi. Pa kestionariu di 2023, kumunidade di foku e pesoas ki ta identifia komu:
 - ☐ Gentis grandi (60+ di idadi)
 - ☐ Pais i kuidadoris di kriansas i juventudi ku nisisidadis di kuidadu di saudi spesial
 - ☐ Pais ku menus di 25
 - ☐ Pesoas ki ta identifia komu LGBTQ+
 - ☐ Pesoas di kor (inkluzivi, moradoris Indianu Merkanu/Nativu di Alaska, Aziatiku Merkanu/Di Ilhas di Pasifiku, Pretu, i Spaniku/Latinu/a/e)
 - ☐ Pesoas ki lingua prinsipal e ka Ingles
 - ☐ Pesoas ku difisiensias

- ☐ Pesoa ku speriensia na imigrason
- ☐ Mudjer grvida i pais di minunu nobu
- ☐ Moradoris rural
- ☐ Veteranus
- ☐ Jventudi i jovens adultus (14-24 di idadi)

- **Modi ki N podi djuda pesoas na nha kumunidadi prenxi es kestionariu?**

- Bu konxi bu kumunidadi midjor! Nu sta li i kontenti di suportau. Ali sta alguns manera ki nu ta rakumenda involvi menbrus di kumunidadi pa prenxi es kestionariu:
 - ☐ Partilha informason sobri kestionariu! Nu ten rikursus, sima mudelus di email, linguajen pa redis sosial, i posters ki ki bu podi uza pa djudau pasa palavra pa putensial rispondentis di kestionariu pa amigus, familias, i kolegas.
 - ☐ Papia ku nos! Nu sta kontenti di dibati ideias ku bo.
 - ☐ Djudanu kria nos redi di parserus! Si bu konxi parserus di kumunidadi ki podi sta interesadu na trabadja ku nos, favor partilha nos site ku es i informason di kontaktu.

Rikursus ki podi uzadu pa djuda partilha i promovi kestionariu na bu kumunidadi sta disponivel na nos site: www.mass.gov/chei.

Bu podi kontaktanu pa chei@mass.gov.

- **Modi i kuandu ki N podi asesa es dadus?**

- Nu sforsa pa fazi es prusesu mas sinplis i transparenti pusivel. Rizultadus ta bai sta disponivel publikamenti na nos site logu dipos ki kestionariu fitxa na Outonu di 2023, i DPH ta bai oferesi parserus sima bo suporti pa uza dadus pa rizolvi bareras pa saudi na bu kumunidadi.

- **N podi konsigui apoiu pa analiza dadus?**

- Sim! Nu ta ben ten varius suportis disponivel na Outonu di 2023 oras ki rizultadus di kestionariu e publikadu.
Torna djobi nos site nton (www.mass.gov/chei) o kontaktanu pa un lista atualizadu di suporti di dadus disponivel.

- **Modi ki N podi es rizultadus pa benefisia nha kumunidadi?**

- Oras ki bu analiza dadus di bu kumunidadi, bu podi distaka nisisidadis ki ka abordadu ki ta ben benefisia di ason di saudi publiku. Ali sta alguns izenplus di modi ki nos Kestionariu di Inpaktu di COVID-19 na Kumunidadi 2020 fazi kela:
 - ☐ Kumunidades LGBTQ+: Dadus di Kestionariu di Inpaktu di COVID-19 na Kumunidadi uzadu pa Komison MA sobri Juventudi LGBTQ pa difendi pulitikas ki ta uni nisisidadis di kumunidadi. Dadus uzadu tanbe pa difendi inkluzon di moradoris LGBTQ+ komu un populason prioritariu pa Vaccine Equity Initiative (Inisiativa di Ekuidadi na Vasina), ki oferesi rikursus adisional i finansiamentu pa kumunidadi.

- Kumunidades indijena: Dadus di Kestionariu di Inpaktu di COVID-19 na Kumunidadei apurveitadu pa aplika mas di \$1 milion ku susesu na finansiamentu pa Tribes and Indigenous People Serving Organizations.
- Kumunidades rural: Dadus di Kestionariu di Inpaktu di COVID-19 na Kumunidadei uzadu pa suporta programa di alkansi di vasina rural i programas di finansiamentu pa suporta organizasjons rural pa rizolvi bareras pa saudi na ses kumunidades
- Familias jovem: Dadus di Kestionariu di Inpaktu di COVID-19 na Kumunidadei mostra nisisidadis baziku signifikaivamente ki ka rizolvedu entri familias jovem. Dipos di divulgason di dadus, sirvisus mas frikuenti ofereseu pa MA Pregnant and Parenting Teen initiative (Inisiativa pa Gravides i Paternidadei Juvenil na MA) foi renda, abitason, asistensia utilitariu.
- Juventudi: Dipos ki dadus di Kestionariu di Inpaktu di COVID-19 na Kumunidadei divulgadu, saudi mental di jovens lebadu pa un prioridadei dentu di DPH. Dadus uzadu pa kontratason di novus sirvisus na programa di Child and Youth Violence Prevention Services (Sirvisus di Privenson di Violensia Juvenil i Infantil).
- Benefisiarius WIC: Dadus di Kestionariu di Inpaktu di COVID-19 na Kumunidadei uzadu pa programa WIC pa enfatiza inportansia i nisisidadei di asesibilidadei di lingua na alkansi di WIC pa garanti ki familias ki ta papia otu lingua ki e ka Ingles ten asesu a sirvisus WIC.
- Kriansas ku nisisidadei di kuidadu di spesial na saudi: Dadus di Kestionariu di Inpaktu di COVID-19 na Kumunidadei mostra prioridadei spesifiku (saudi mental, siguransa alimentar, i tranzison di kuidadu di saudi ki kontisi ku 18 anu). Es prioridadei uzadu na varius pididus di subsidu pa midjora sirvisus pa kriansas ku nisisidadei di kuidadu di spesial na saudi.
- Kriansas: Dadus di Kestionariu di Inpaktu di COVID-19 na Kumunidadei partilhadu ku MA Chapter of the American Academy of Pediatrics. Es rezultadu da evidensia pa ki es prioriza inda mas saudi mental, tranzison di kuidadu di saudi, i determinantis sosial di saudi na ses trabadju.
- Benefisiarius di Medicaid: Dadus di Kestionariu di Inpaktu di COVID-19 na Kumunidadei partilhadu ku Masssaudi pa informa pididu di izenson 1115 ki spandi kubertura di Medicaid e asesu a kuidadus.
- Pesoas ku difisiensias: DPH prioriza asesu a midjora asesu a vasina pa pesoas ku difisiensias. Na senariu di difisiensia, pesoas vasinadu ki provavelmenti ka ta serba, prinsipalmenti pamodi dadus di Kestionariu di Inpaktu na Kumunidadei sobri COVID-19.

- **N teni mas purguntas. Kenha ki N podi kontakta?**

- Si bu teni mas purguntas sobri kestonariu, o bu mesti ajuda pa aasesa i analiza dadus, favor manda email pa chei@mass.gov.